

摘藻堂四庫全書薈要

史部

欽定四庫全書薈要卷八千二百七十八 吏部

欽定大清會典卷四十九

禮部

祠祭清吏司

羣祀三

凡祭

先醫之禮為廟於太醫院內殿曰景惠奉

太昊伏羲氏左

炎帝神農氏右

黃帝軒轅氏均南嚮

配位句芒風后西嚮祝融力牧東嚮兩廡從祀東
饌貸季岐伯伯高少師雷公伊尹淳于意華陀
皇甫謐巢元方韋慈藏錢乙劉完素李杲皆西
嚮西鬼史區俞跗少俞桐君馬師皇扁鵲張機
王叔和葛洪孫思邈王冰朱肱張元素朱彥修
皆東嚮歲以春冬仲月上甲日遣官致祭

三皇位前牛一羊一豕一各帛一鉶二簋二籩二簋
十豆十尊一爵三鑪一鐙二配位東西各一案
每案帛一羊一豕一鉶一簋各二籩豆各十
尊一爵六鑪一鐙二兩廡各帛一爵三尊一鑪
一鐙二各設三案每案簋一籩一籩四豆四腥
二棧十和聲署設樂於西階下
自迎神至望燎
皆奏樂作止視
禮儀
為節
日出前四刻遣官朝服俟於醫署至時贊
引太常贊禮郎二人引遣官由廟左門入咸濟

左門贊盥洗遣官盥洗引詣中階下拜位前立
分獻官於遣官後夾甬道序立太醫院陪祭官
以次分左右序立咸北面典儀官贊執事官各
共迺職以下自迎神至望燎皆典儀官唱贊贊引官贊就位遣官
就拜位立迺迎

神司香官奉香盤進贊引官贊就上香位引遣官由
殿左門入詣

太昊伏羲氏位司香官跪奉香贊引官贊跪遣官跪

贊上香遣官上柱香次三上辨香興以次詣

炎帝神農氏

黃帝軒轅氏位司香官詣

配位上香各如儀贊引官贊復位引遣官復位贊

跪叩興

以下升降行禮皆有贊

遣官行三跪九叩禮分獻

陪祭官均隨行禮奠帛初獻爵司帛官司爵官

各詣

神位前司帛官跪奠帛三叩司爵官立獻爵奠正中

皆退贊引官贊就讀祝位引遣官詣讀祝拜位
立司祝至祝案前跪三叩奉祝版跪案左遣官
跪分獻陪祭官咸跪司祝讀祝畢奉祝版詣

太昊伏羲氏神位前跪安於案叩如初退遣官暨分
獻陪祭官行三叩禮贊復位引遣官復位分獻
官詣兩廡上香執事生奠帛獻爵畢分獻官退
復位亞獻司爵官獻爵奠於左終獻司爵官獻
爵奠於右兩廡以次畢獻儀均如初迺徹饌送

神遣官暨分獻陪祭官行三跪九叩禮有司奉祝次
帛次饌次香恭送燎所遣官轉立拜位旁東面
候祝帛過復位祝帛燎半引遣官詣望燎位望
燎告禮成引遣官出衆咸退

凡祀

關帝之禮歲以春秋仲月諏吉遣官祭

關帝於地安門外之西

關帝廟前殿後殿

神位均南嚮前殿帛一牛一羊一豕一登一釶二簠二簋二籩十豆十尊一爵三鑪一鐙二和聲署設樂後殿祭追

封三代公三案各帛一羊一豕一釶二簠簋各二籩豆各八尊一爵三鑪一鐙二祭日前後殿承祭官咸朝服詣廟贊引太常贊禮郎各二人引由廟左門入分詣前後殿各升階至殿門外就拜位前北面立典儀官贊執事官各共迺職

以下
自迎

神至望燎皆典儀官唱贊贊引官贊就位承祭官就拜位迺

迎

神司香官奉香盤進贊引官贊就上香位引承祭

官由殿左門入詣香案前贊上香司香官跪奉

香承祭官上柱香次三上辯香贊復位引承祭

官復位贊跪叩興

以下行禮皆有贊

承祭官行三跪九

叩禮後殿贊引官引後殿承祭官詣三案上香

行二跪六叩禮奠帛初獻爵司帛官奉篚司爵

官奉爵進至

神位前司帛官跪奠帛三叩司爵官立獻爵奠正中皆退司祝至祝案前跪三叩奉祝版跪案左承祭官跪司祝讀祝畢奉祝版詣

神位前跪安於案叩如初退承祭官行三叩禮後殿執事生奠帛獻爵司祝官讀祝各如儀亞獻司爵官獻爵奠於左終獻司爵官獻爵奠於右後殿以次畢獻均如初送

神承祭官行三跪九叩禮後殿承祭官行二跪六叩禮有司奉祝次帛次饌次香恭送燎所承祭官避立拜位旁東面候祝帛過復位引承祭官望燎告禮成引退後殿承祭官望燎引退如儀
○仲夏中甸三日歲遣官致祭前殿後殿惟不設籩豆陳果實五盤餘與春秋祭同○直省府州縣春秋二仲及仲夏中甸三日均祀

闕帝牲帛禮儀均與祭

京師

關帝廟儀同

凡祀禦災捍患諸神之禮因所捍禦之地建立
專祠

特加

封號飭所在有司歲以春秋諏吉致祭祭英衛公伍
員於浙江錢塘縣通佑王李冰於四川灌縣安
瀾之神張巡於江西浮梁縣誠應武肅王錢鏐

於浙江臨安縣顯佑通濟王謝緒於江南宿遷
縣靜安公張夏於浙江蕭山縣寧江伯湯紹恩
於紹興府寧漕公宋禮永濟之神白英於山東
汶上縣均帛一羊一豕一尊一爵三儀與祭

關帝同

凡祭賢良祠之禮為祠於

地安門外之西歲以春秋仲月諏吉遣官致祭前
殿中設和碩怡賢親王神位左設和碩超勇襄

親王神位均南嚮後祠設天聰名臣大學士榜
式達海崇德名臣大學士范文程副都統褚庫
巴圖魯順治名臣大學士甯完我額色黑定西
將軍公愛星阿內大臣哈世屯都統墨勒根轄
李國翰總督孟喬芳李國英康熙名臣大學士
圖海魏裔介王熙李之芳阿蘭泰伊桑阿張玉
書吳璵馬齊張英李光地領侍衛內大臣福善
費揚古尚書米思翰姚文然魏象樞湯斌顧八

代馬爾漢勵杜訥趙申喬徐潮徐元夢陳瓚靳
輔都統根特賴塔馮國相提督施琅張勇孫思
克王進寶護軍統領莽依圖將軍佛尼勒總督
趙良棟傅臘塔于成龍雍正名臣大學士富寧
安朱軾張鵬翮田從典高其位內大臣尹德阿
爾納尚書楊名時總督楊宗仁齊蘇勒李衛乾
隆名臣都統傅清左都御史拉布敦總督那蘇
圖陳大受喀爾吉善巡撫徐士林潘思渠位均

南嚮前殿二案各素帛一羊一豕一果五盤尊

一爵三鑪一鐙二後祠五案共帛一羊一豕一

尊一爵三鑪一鐙二每案果實五盤前後承祭

官咸朝服行二跪六叩禮所祀王公後裔暨大

臣子孫在京有爵秩者咸朝服隨行禮上香奠

帛讀祝三獻爵望燎均如儀○直省會城咸立

賢良祠凡守土大臣有功德於民者由督撫疏

請設位歲春秋以少牢致祭祭日視

京師賢良祠承祭官行禮儀亦如之

凡祭功臣專祠之禮歲以春秋仲月諏吉遣官
致祭武壯王孔有德並妃白氏李氏於廣寧門
外專祠帛三羊一豕一果五盤爵九尊一祭恪
僖公遏必隆並夫人舒舒覺羅氏於安定門外
專祠帛二羊一豕一果五盤爵六尊一祭承恩
公諡勤襄佟圖賴並夫人覺羅氏承恩公諡忠
勇佟國綱並夫人他塔喇氏溫都氏承恩公諡

端純佟國維並夫人赫舍里氏於朝陽門外專
祠帛七羊三豕三果十有五盤爵二十有一尊
三祭大學士公謚文襄圖海並夫人覺羅禪氏
鈕祜祿氏於德勝門外專祠帛三羊一豕一果
五盤爵九尊一祭宏毅公額宜都於安定門外
專祠帛一羊一豕一果五盤爵三尊一祭承恩
公謚恪僖哈世屯並夫人覺羅氏承恩公謚敏
果米思翰並夫人穆溪覺羅氏博爾濟吉特氏

承恩公謚莊愨李榮保並夫人覺羅氏於東安門內專祠帛七羊三豕三果十有五盤爵二十有一尊三均鑪一鐙二

凡祭昭忠祠之禮為祠於崇文門內自王公大臣及偏裨士卒授命戎行者咸設位祠中歲以春秋仲月諏吉遣官致祭前殿和碩敬謹莊親王尼堪簡親王巴爾堪巴賽英誠武勲王揚古利定南武壯王孔有德忠勇王黃芳度居中南

嚮東第一室一等公佟養正西哈二等伯巴都

里一等伯巴什泰程尼續順公沈瑞一等公佟

國剛一等侯馬得功一等伯宜理布三等伯穆

和琳一等子覺羅莫洛渾三等伯王之鼎一等

公達福一等伯傅清一等公班第西第一室三

等子錫喇巴一等子代音布額駙托柏大學士

龍西尚書圖捫二等子博波圖一等輕車都尉

綽和諾一等子穆克覃三等子圖魯錫羅沙拜

蘭巴朗都爾莽鼐大學士張泰太子太保佟濟
佐領佛義保尚書布顏岱都統沙里布一等伯
拉布敦襄勤伯鄂容安東第二室總督佟養甲
二等子覺羅顧納岱大學士莫洛色思泰雲騎
尉吳丹總督甘文琨范承謨巡撫馬雄鎮傅宏
烈鹽運使高天爵尚書道禪總督額倫特一等
子阿南達內大臣馬爾薩副將軍查弼納尚書
名蓋二等子拜三西第二室護軍統領新泰三

等男阿蘭柱護軍統領阿爾岱喀爾護吉侍郎

朝哈爾納爾特巡撫賈維鏞副都統孟魁羅濟

三等男覺羅拜三奇塔特魏正羅立納海護軍

統領葉喜喀爾他拉東第三室護軍參領吳沙

郭色前鋒統領劉哈三等輕車都尉薩蘇哈侍

郎馬如璧巡撫張文衡副都統吉三白魏正渾

錦多頗洛盧錫覺羅阿克善三等輕車都尉金

玉和三等男甘都伊爾格德阿喇密何特赫二

等男胡伸布祿三等男阿納海一等男拜才前
鋒統領胡里布護軍統領哈克三巡撫朱國治
巡海道陳啓泰護軍叅領費揚古糧儲道葉映
榴三等男色楞總督王秉仁巡撫柯永昇副都
統科普蘇長史雅賚西第三室副都統阿仕國
巴雅思虎朗阿喀倪科爾坤阿爾護穆舒邁圖
前鋒叅領葛思特一等男克什圖三等男察渾
二等輕車都尉訥爾布三等男艾音察羅布二

等男色經口一等男路什三等男巴查爾噶爾
都巴雅爾傑士前鋒統領定壽侍郎永國副都
統戴豪蘇圖海蘭錫密賚常祿舒楞格馬爾齊
三等輕車都尉郎保三等男阿哈丹隨德蘇班
達立東第四室將軍董廷儒提督孫定遼總兵
徐勇提督段應舉紀法康泰一等輕車都尉博
爾和對總兵吳萬福張存福費雅達王承業都
督僉事洪徵副將楊三虎蔡隆總兵司九經叅

將趙登舉總兵任舉三等侍衛丹泰遊擊陳維
屏西第四室武備院卿胡穆散兵備道李懋祖
巡道金漢惠水利道副使于躍龍兵備道鄔象
鼎御史劉顯名知府紀國相定邊道夏時芳知
府楊致祥黃廷柏巡道陳丹赤按察使李興元
知府郭萬國王之儀張瑞午劉浩通政使莫洛
渾武備院卿達穆布巡道楊三知知縣張令憲
總兵劉良臣楊佐雲騎尉張廷輔總兵郝効忠

阿爾泰叅將甘應龍總兵朱天貴康海歐陽凱
遊擊楊光祖均分左右以次南嚮東配樓七品
官覺羅星德等西配樓護軍校雅思哈等均東
西相嚮後正室布政使遲變龍等均南嚮東廡
三等輕車都尉郝爾德等西廡守備劉澤久等
均東西相嚮祔祀兵丁共萬餘人前正殿設七
案中一案羊一豕一左三案共羊一豕一右三
案如之每案各帛一果五盤爵三兩配樓各設

五案東西各羊一豕一每案帛爵果品之數與
正殿同後正室設五案共羊一豕一後兩廡各
設三案東西各羊一豕一每案帛爵果品之數
均與前殿同祔祀兵丁共設三十六案案各豕
肉一盤果二盤爵三祭日所祭王公諸臣後裔
陪祭前後殿承祭官及分獻官行禮均與祭賢
良祠儀同

凡祭雙忠祠之禮為祠於崇文門內歲以春秋

仲月諏吉遣官致祭都統一等伯諡襄烈傅清
左都御史一等伯諡壯果拉布敦帛二羊一豕
一果五盤尊一爵六鑪一鐙二儀與祭

昭忠祠同○直省府州縣成立忠義孝弟祠祠
內設本鄉忠臣義士孝子悌弟各牌位所在有
司歲以春秋致祭用帛一羊一豕一爵三尊一
承祭官行禮儀與祭省會賢良祠同○八旗左
右翼及直省郡縣均立節孝祠婦女以節孝貞

烈被旌者已故設牌位於祠有司春秋致祭陳設禮儀均與祭忠義孝弟祠同

直省府州縣歲清明節七月望十月朔日祭厲壇於城北郊前期守土官飭所司具香燭公服詣

城隍廟以祭厲告本境

城隍之神上香跪三叩興退至日所司陳羊三豕三米飯三石尊酒楮帛於祭所設燎鑪於壇南

黎明禮生奉請

城隍神位入壇設於正中香案一鑪鐙具贊禮生
二人引守土官公服詣

神位前贊跪守土官跪贊上香守土官三上香贊
叩興守土官三叩興退執事者焚楮帛守土官
詣燎鑪前祭酒三爵退禮生仍奉

城隍神位還

廟各退

欽定大清會典卷四十九

欽定四庫全書薈要卷八千二百七十九

吏部

欽定大清會典卷五十

禮部

祠祭清吏司

家祭

凡王公家祭之禮親王郡王於正寢之東度地立廟五間通為堂左右各一間隔以牆為夾室堂檐南三納陛階各七級東西廡各三間東藏

遺衣冠西藏祭器樂器庭繚以垣南為中門又
南為廟門左右各設側門燎鑪一在中門內東
廡南刲牲所在中門外西嚮貝勒貝子公立廟
三間通為堂左右夾室各一間階五級餘同堂
中楣北設五室以藏神主中奉始封之祖世世
不祧高曾祖禰依世次為二昭二穆昭東穆西
親盡則祧自昭祧者藏於東夾室升昭之二位
於一室以二室奉新祔之主自穆祧者藏於西

夾室升祔亦如之室皆南嚮配以適歲於四仲
月諏吉致祭春舉合食禮設位於堂始祖南嚮
昭東位西嚮穆西位東嚮迎東夾室祧主位二
昭上西夾室祧主位二穆上親王郡王之祭始
祖專案東夾室祧主共案西夾室祧主如之二
昭共案二穆如之每位帛一爵三箸匕具每案
羊一豕一釶二簋簋各二籩豆各八釶實和羹
用餘簋籩籩豆之實一如

太廟東廡

代以槃椀實以時物者聽

尊一鑪一鐙二貝勒貝子公之

祭東夾室祧主與二昭共牲西夾室祧主與二

穆共牲每案遵六豆六餘與王同夏秋冬三時

惟祭始祖及四親於室設位皆南嚮每室專案

親王郡王每案異牲貝勒貝子公二昭共牲二

穆如之餘與合食同中設祝案少西北嚮東設

香帛案陳香槃帛篚如供案之數南為尊案幕

勺具爵在尊北胙槃在爵北皆西嚮洗在東階

上樂在西階上

樂十器
工十人

讀祝一人通贊引贊各

一人司拜褥二人

兼接
福祚

以本府官屬為之奉香

奉帛每案一人奉爵每位一人以始祖下子孫

為之子孫成人以上皆助祭拜於階上以世次

為序同世序齒官屬皆陪祭拜於階下以品秩

為序先祭三日主人致齋遂戒執事者前夕執

事者入設位布案主人盛服升自東階北面視

潔除降視滌器展樂出詣剝牲所視殺載於俎

迺退祭日夙興執事者入陳設畢主人朝服入

庭東西面伯叔兄弟子孫

有位朝服未官盛服

少後序立

官屬朝服入庭西南隅東面皆北上子弟之長

詣各室前啟室出主安奉於位退通贊贊執事

者各司其事引贊引主人升自東階盥手

以下行禮

皆通贊贊就位

以下行禮皆贊

主人由左門入就正中

拜位族屬咸就拜位北面立迺迎神執事者奉

香槃進樂作主人詣始祖香案跪執事者跪奉

香主人三上香興以次詣各香案上香儀並同

復拜位率族屬行二跪六叩禮

自貝勒以下皆一跪三叩後同

樂止行初獻禮執事者舉篚挹尊酒實爵以次詣神位前樂作奠帛於供案南奠爵於案北正中皆退讀祝樂暫止司祝詣祝案跪奉祝興詣案東跪主人及族屬咸跪讀祝畢祝詣始祖案奠於篚退樂作主人率族屬三叩興樂止亞獻奠爵於左終獻奠爵於右皆如初受福胙執事

者一人

即始祖案前奠帛爵人

取胙槃詣始祖案抄簋簋

之實於槃一人取中一爵咸退至主人拜位右

執事者

即司拜褥人

二人進至拜位左右執事者跪

奉爵奉胙槃主人受拱舉左執事者以次跪接

皆退主人三叩興迺送神樂作主人及族屬行

二跪六叩禮樂止執事者奉祝文香帛詣燎所

主人避立西面既過復位族屬退就庭東西立

位燎半主人降東階詣望燎位東面望燎引贊

告禮成主人仍就庭東立位俟子弟之長奉神
主入室闔門皆退頌胙於族屬徧○歲時則薦
親王郡王庶羞六槃時果六槃貝勒貝子公各
四槃設案室前每案琖箸具香槃一壺一主人
夙興率子弟入埽除陳設畢迺啟室主人跪上
香三叩子弟取壺注酒於琖徧獻主人二跪六
叩子弟稍後隨行禮興迺徹饌闔室各退每月
朔望庶羞時果遞減二槃餘儀同因事致告與

朔望同祧主朔望就夾室上香跪叩儀同

凡品官家祭之禮於居室之東立家廟一品至

三品官廟五間中三間為堂左右各一間隔以

牆北為夾室南為房堂南檐三門房南檐各一

門階五級庭東西廡各三間東藏遺衣物西藏

祭器庭繚以垣南為中門又南為外門左右各

設側門四品至七品官廟三間中為堂左右為

夾室為房階三級東西廡各一間餘制與三品

以上同

世爵公侯伯子視一品男以下按品為差等

八九品廟三間

中廣左右狹階一級堂及垣皆一門庭無廡以

篋分藏遺衣物祭器陳於東西序餘與七品以

上同

在籍進士舉人視七品恩拔歲副貢生視八品

堂後楹北設四室

奉高曾祖禰四世皆昭左穆右妣以嫡配南嚮

高祖以上親盡則祧由昭祧者藏主於東夾室

由穆祧者藏主於西夾室遷室祔廟悉依昭穆

之次東序西序為祔位伯叔祖之成人無後者

伯叔父之成人無後及其長殤

至十六歲至十九

者兄弟

成人無後及其長殤中殤

至十二歲至十五

者妻先歿者

子姓成人無後及其長殤中殤下殤

九歲至十一

者

皆以版按行輩墨書男統於東女統於西東西

嚮歲以春夏秋冬仲月擇吉致祭戒子弟讀祝

一人贊禮一人執爵每案二人分薦祔位東西

各一人凡在廟所出子孫年及冠以上者皆會

行禮先祭三日主人及在事者咸致齋前一日

主人率子弟盛服入廟視潔除拂拭畢執事者

於各室前設几几前供案堂南總香案一鑪檠

具附位東西各統設一案設祝案於香案之西

設尊爵案於東序設盥盤於東階上視割牲一

品至三品官羊一豕一四品至七品特豕八品

以下豚肩不特菽視滌祭器三品以上每案俎

二鉶二敦二籩六豆六七品以上籩四豆四八

品以下籩二豆二皆俎一鉶敦數同

代以時用
槃碗者聽

辨祭器之實俎實牲體釂實羹敦實飯籩實時

果餅餌魚腊獸腊之屬豆實炙載時蔬之屬屈

日五鼓主人朝服與祭執事者盛服入廟主人

俎於東階下族姓俎庭東西以昭穆世次為序

執事者陳鑪鐙於供案南陳尊爵於東序案上

代以壺
殘者聽

陳祭文於祝案實水於盥盤加巾主婦

率諸婦盛服入詣爨所視烹飪羹定入於東房

治籩豆之實陳釂敦匕箸醯醬以俎質明弟子

之長者盥詣各室前跪一叩興啟室奉主以次
設於几昭位考右妣左穆位考左妣右分薦者
設東西祔位畢贊禮立堂東檐下西面諸執事
分立東西序端相嚮贊就位主人升自東階盥
詣中檐拜位立族姓行尊者立於東西階上卑
者立於階下皆重行北面贊叅神主人入堂左
門詣香案前跪執事二人司爵者充一奉香盤一挹
尊酌酒詣主人左右跪左奉香主人三上香右

奉爵主人酌酒於地以爵奠於案興退出右門
復拜位及族姓行一跪三叩禮贊初獻主婦率
諸婦出於房薦匕箸醯醬於几前案北跪一叩
興徧及祔位退入於房庖人解牲體實於俎執
事者奉以升各薦於供案主人詣高祖考案前
執爵者奉爵主人獻爵奠於正中跪叩興以次
詣曾祖祖禰案前獻爵如前儀分薦者徧獻祔
位酒訖退立於拜位贊讀祭文主人跪族姓皆

跪祝詣祝案之左跪讀訖興以祭文復於案退
主人以下三叩興贊亞獻庖人納羹飯於東房
主婦率諸婦和羹實於鉶實飯於敦出薦於案
及腊肉炙胾徧跪叩興退如初禮主人獻爵於
各位之左贊三獻主婦率諸婦出於房薦餅餌
果蔬叩退主人獻爵於各位之右分薦者徧獻
祔位酒皆如初獻儀贊受嘏祝取高祖供案酒
饌降至香案旁主人詣香案前跪祝代祖考致

嘏於主人主人啐酒嘗食反噐於祝接以興主人三叩興復位贊送神主人以下一跪三叩贊望燎祝取祭文由中門出送燎主人退避東階下行輩長者咸降階主人詣燎位視燎畢與祭者出主人率子弟納神主上香行禮徹祭噐傳於燕噐潔滌謹藏之闔門各退日中餽與祭者尊卑咸在按昭穆布席東西相嚮位別以行行均以齒主人揖尊者入席諸父兄弟子孫各揖

尊者及相揖迺坐主人酌酒獻於尊者尊者尊者酬
之主人進饌於尊者尊者飯衆皆飯諸卑幼各
酌酒獻於所尊獻酬畢尊者起衆皆起隨出主
婦餽於內儀同○恭遇

覃恩告廟諏吉致齋陳設均如時祭先期別書

制辭一通祭日進爵祝讀告辭後

以追贈告

主人奉考主

卑者奉妣主

如有尊者則主人奉妣主

俎於廟門外宣

制者一人

以同姓或戚屬已仕者

朝服奉

制入廟門主人率族姓跪接隨至階下序立考東妣
西族姓重行立其後皆北面宣

制者升東階至香案前南嚮立主人以下皆跪宣
制畢主人奉主率族姓行三跪九叩禮宣

制者奉安神案南正中降階出主人奉主詣神案前
改題新贈爵位奉主復位退各就拜位再進爵
三進爵授福胙如時祭禮畢焚黃○歲時則薦
一二三品時果庶羞每案四四五六七品時果

每案二槃庶羞每案四槃八九品及未入流時
果庶羞每案各二設案於室每案琖箸壺具香
案陳香槃一夙興主人率子弟入埽除陳設畢
迺啟室主人跪上香三叩興子弟取琖酌酒進
於主人主人奠酒訖子弟復奉羹飯從主人薦
獻訖以次詣各案薦獻如前儀徧主人一跪三
叩興迺闔室每月朔望庶羞時果各遞殺一等
餘儀同八九品及未入流者止供茶一跪三叩

因事致告與朔望同

凡庶士

貢監生員有頂帶者

家祭之禮於寢之北為龕以

版別為四室奉高曾祖禰皆以妣配位如前儀
南嚮前設香案總一服親男女成人無後者按
輩行書紙位祔食男東女西相嚮事至則陳已
事焚之不立版歲以春夏秋冬節日出主而薦
粢盛二槃肉食果蔬之屬四器羹二飯二前期
主人及與祭者咸致齋薦之前夕主婦盛服治


飯於房中厥明夙興主人吉服率子弟設香案於南然燭置祭文於堂北設供案二昭東穆西均以妣配位南嚮設祔案於兩序下各一男東女西東西嚮主人以下盥奉木主設於案設祔位於兩序案訖主人東階下立衆各依行輩東西序立主人詣香案前上香畢率在位者一跪三叩興主婦率諸婦出房中薦匕箸醢醬跪叩如儀退子弟奉壺主人詣神案以次酌酒薦熟

訖皆就案南跪叩興子弟薦祔位畢主人跪在
位者皆跪祝進至香案之右讀祭文訖興退主
人以下叩興再獻主婦薦飯羹三獻主婦薦餅
餌時蔬主人酌酒跪叩均如初儀畢主人率族
姓一跪三叩興祝取祭文及祔食紙位焚於庭
衆出主人納木主徹退日中而餽春一舉布席
於堂東西北上陳倚殘匕箸如其人數傳祭食
於燕器熱酒饌族姓至主人肅入序位以行輩

年齒為等旅揖即席進酒饌酬酢如禮湯飯畢
長者離席告退主人送於門外諸子弟皆隨以
出徹僕人餽餘食皆盡月朔望日主人及家衆
夙興盥洗啟寢室然燭詣香案前依行輩序立
主人上香訖子弟奉茶主人獻茶復位率衆一
跪三叩興徹茶闔室衆退若家有吉事主人盥
洗啟室然燭焚香以其事告行禮如朔望儀
凡庶人家祭之禮於正寢之北為龕奉高曾祖

禰神位歲逢節序薦果蔬新物每案不過四器
羹飯具其日夙興主婦治饌主人率子弟設案
然鐙啟室奉神主於案上以昭穆序主人立於
香案前家衆序立於主人下以行輩為先後主
人上香一跪三叩興納主於室徹退日中衆餞
神食歲一舉論行輩先後同行序齒列坐酒行
飯已肅揖以退月朔望日獻茶然香鐙行禮告
事亦如之均與庶士儀同

欽定大清會典卷五十



總校官候補中書臣吳紹潔

校對官檢討臣郭寅

謄錄監生臣藍嘉瑄

欽定四庫全書薈要

史部

欽定大清會典卷五十一

二

詳校官編修臣繆晉



欽定四庫全書薈要卷八千二百八十

史部

欽定大清會典卷五十一

禮部

祠祭清吏司

喪禮一

凡

列聖大喪儀初喪

嗣皇帝就主喪位冠去緯哭踊宮中自



皇后以下咸摘耳環去首飾屆時恭奉

梓宮奉安於

宮中正殿設几筵建丹旒於宮門外之左陳法駕
鹵簿於宮門之外至

太和門外

特簡王公大臣恭理喪儀既歛迺奠王公以下民公
侯伯子男以上二品官於

乾清門外

侍衛及內務府官
皆於乾清門外

三品以下文武有頂

帶官於

景運門外

大臣官員命婦不齊集日
右翼官員於隆宗門外

皇后

妃

嬪宮人公主

皇子

皇孫福晉及近支王公福晉夫人於

几筵殿內諸王公福晉夫人郡主縣君以上二品夫人

於丹墀右三品淑人以下於

隆宗門外齊集哭臨皆男摘冠緯女去首飾奠獻
時皆隨行禮舉哀畢各退

皇帝成服截髮辮居倚廬

皇子

皇孫隨成服截髮辮居宮中別室王公百官宗室
覺羅咸成服截髮辮旗員居

闕左門外漢員於各官署

皇后率

妃嬪等成服剪髮

皇子

皇孫福晉隨成服剪髮諸王福晉命婦及內府三
旗官員護軍等妻咸成服剪髮

皇帝行三年喪禮百日內

上諭用藍筆百日後素服

御門聽政

郊

壇大祀祭服行禮詣

几筵前仍喪服諸

皇子

皇孫及恭理喪儀王公大臣

殯宮守衛執事各官百日除服羣臣二十七日除服咸

百日薙髮奏疏文移二十七日內皆用藍印京

朝官二十七月不作樂期年不嫁娶在京軍民

人等二十七日素服百日不作樂一月不嫁娶
頒

遺詔於天下順天府尹率屬制服跪迎開讀畢奉安公
署舉哀在京候選官及教習舉貢在監肄業貢
監咸集順天府署舉哀直省督撫率所屬文武
各制服跪迎開讀奉安於會城公署分駐之提
鎮道員及府州縣奉安於各治所舉哀皆朝夕
哭臨三日紳士咸與移文直省督撫提鎮免其

遣官進香直省官期年不作樂百日不嫁娶不

薙髮軍民去冠緯素服二十七日百日不作樂

一月不嫁娶○外藩蒙古王公台吉等公主福

晉等服內來京者咸成服除服後來京者皆男

摘冠緯女去首飾三日朝鮮使臣同○成服後

朝晡日中三設奠

朝晡進羹飯肴饌午奠進饌筵一如事生儀

朝夕

奠設法駕鹵簿三日後至一月設鑾駕鹵簿每

奠王公百官咸齊集質明欽天監報時各執事

皆辦禮部堂官奏請朝奠

皇帝出倚廬詣

几筵前東立西嚮舉哀迺啓

宮門恭理喪儀王大臣及執事官率尚茶尚膳舉
茶膳由中門中路進至

几筵前尚茶跪進茶內外齊集衆咸跪

皇帝親舉茶恭奠於茶几行一拜禮衆皆隨行禮尚
茶徹茶衆皆興次尚膳進膳

皇帝親上食畢執事官進奠几於正中

皇帝詣几前跪進爵王大臣跪進爵

皇帝祭酒三爵每祭行一拜禮衆皆隨行禮興迺徹饌出闔門衆哀止

皇帝還倚廬衆皆退午奠晡奠儀同○諏日行殷奠禮王公百官公主福晉命婦咸齊集陳俎豆設饌筵二十一席羊九酒十有一尊楮帛九萬張黃幕於宮門外之右設反坫具尊壘設鹵簿陳

冠服於

几筵前列饌筵於丹陛兩旁陳羊酒於黃幕積楮帛於
燎所設祭文案於西檐下屆時禮部尚書奉祭
文侍郎二人前引由中門入祇設於案退禮部
堂官奉請

皇帝詣

几筵前視饌上食舉哀讀祝官奉祭文至闕外正中北
面跪禮部堂官二人跪展祭文進奠几

皇帝於几前跪衆於齊集處跪哀暫止讀文畢仍復於案退衆舉哀迺進爵

皇帝祭酒三爵每祭行一拜禮衆隨行禮舉哀畢徹俎豆讀祝官奉祭文禮部堂官前引侍臣奉冠服自殿陞內大臣十人前引恭送燎所

皇帝舉哀隨行詣燎所

如不所則遣承奠大臣

親詣燎

內大臣侍

衛扈從齊集王公百官咸從

皇帝於燎所祭酒三爵行禮舉哀衆隨舉哀行禮如

前禮畢

皇帝還倚廬廼焚冠服楮帛衆各退

是日仍設午奠
晡奠大臣祭酒

啓奠發引大祭
繹祭日皆同

○諏日而殯先期以奉移

梓宮祇告

几筵行啓奠禮陳設禮儀與殷奠同至日奉移

梓宮於

殯宮豫設大昇輦於

景運門外屆時禮部堂官奏請

皇帝詣

几筵舉哀執事官進奠几

皇帝祭酒三爵恭理喪儀王公大臣鑾儀衛工部堂
官率校尉恭進小舉奉

梓宮出登大昇輦禮部尚書祭舉焚楮帛內大臣祭所
經門橋皆三祭酒每祭行一叩禮焚楮帛

皇帝步送王公百官各以次隨行

皇后率

妃嬪等先詣

殯殿後左旁恭俟

靈駕至行奉安禮設几筵

皇帝祭酒舉哀衆隨行禮舉哀畢焚楮帛丹旒各退
以側殿為苦次二十七日後

還宮倚廬○行初祭禮設法駕鹵簿於

殯宮大門外陳饌筵八十一席羊二十七酒四十一尊
楮製丹旒一楮帛四十萬五千張黃幕於二門

外之右設反坫尊壘如儀

皇帝親詣上食祭酒其齊集讀文送燎均如前儀翼
日繹祭遣官行禮陳饌筵十有一席羊五酒五
尊楮帛三萬不設鹵簿不齊集不讀祝惟恭理
喪儀大臣內務府禮部工部光祿寺堂官執事
餘如儀○行大祭禮陳設禮儀與初祭同翼日
繹祭陳設禮儀與初祭次日繹祭同○周月讀
文致祭陳饌筵二十一席羊九酒九尊楮帛十

萬餘儀與啓奠同

凡月奠儀同不讀文

○王公九卿及文

武官承

旨恭擬

尊謚

廟號進呈

御覽

勅所部製玉

冊寶香

冊寶絹

冊寶誨吉行恭上

尊諡禮前期遣官祇告

天

地

太廟後殿

奉先殿

社稷至日設鹵簿於

殯宮大門外恭理喪儀王公大臣率內府官太常寺官
恭設

冊寶案於

几筵前鴻臚官設

冊寶案於

太和門正中鑾儀衛官設黃亭於階下禮部堂官
豫奉絹

冊寶陳亭內大學士二人恭奉香

冊寶升階陳於案三叩退禮部堂官奏請

皇帝素服御太和門恭閱

冊寶畢行一跪三拜禮興退立東旁大學士詣案前一

跪三叩恭奉

冊寶降階陳於各黃亭跪叩如前校尉舁亭御仗黃蓋
前導王以下入八分公以上齊集

協和門外

冊寶亭至跪候過隨行

皇帝還宮易喪服豫詣

殯宮側殿祇竢民公侯伯以下四品官以上咸於大門外按翼序立候亭至跪迎亭由大門中門入至內門止禮部堂官奉絹

冊寶先入陳於案退大學士詣亭前三叩恭奉香

冊寶由中門入陳於案三叩退贊引太常卿二人恭導皇帝由左門入王以下入八分公以上隨入民公侯伯以下四品官以上於大門外各序立典儀官

贊執事官各共迺職贊引官奏就位

皇帝就位立贊跪拜興

皇帝率羣臣行三跪九拜禮興奏跪

皇帝率羣臣跪典儀奏進

冊以下進

冊實皆有奏

實宣大學士詣案奉

冊跪獻於左

皇帝受

冊拱舉授禮部堂官跪接興奉安於案三叩退進

寶由右儀亦如之迺宣

冊宣

冊官詣案奉絹

冊宣訖三叩退宣

寶儀同

皇帝率羣臣行三跪九拜禮迺奠帛讀祝三獻爵如

儀禮成恭奉祝帛絹

冊絹

寶送燎所由中道出

皇帝轉立拜位旁西嚮候過復位燎半奏禮成

皇帝還宮衆皆退翼日頒

詔天下○百日奠獻陳饌筵二十五席羊九酒十有

三尊楮帛十有一萬五千儀同初祭○既卜葬

吉奉移

山陵前期遣官祇告

天

地

太廟

社稷前奉移一日行祖奠禮陳饌筵三十一席羊九
酒十有五尊楮帛十有五萬儀與啓奠同祭畢
焚鑾駕鹵簿至日執事官陳大昇輦於

殯宮大門外設

冊寶亭於階下王公百官公主福晉一品夫人以上及
內府婦女咸齊集

皇帝詣

梓宮前舉哀祭酒三爵衆隨行禮畢

皇帝先至大門東旁立俟奉移

梓宮出跪候過步隨行

梓宮登大昇輦禮部尚書祭舉三祭酒行三叩禮畢焚

楮帛

靈駕發

冊寶亭及騎駕鹵簿咸前列沿塗分站豫設

蘆殿繚以黃幔城

皇帝步送至郊由別道先往祇竢

皇太后以下亦先往祇竢王公大臣官員侍衛內監等
隨輦行恭理喪儀王公大臣內務府工部鑾儀
衛堂官左右翼衛所經門橋遣內大臣祭酒焚
楮帛

靈駕將至宿次王公百官先至幔城北門外

皇帝率王公百官舉哀跪迎

靈駕安奉於蘆殿衆至大門外序立陳設鹵簿迺行晡

奠如儀奠畢

皇帝還行宮衆皆退翼日昧爽行朝奠如儀

皇帝跪送啓行步送里許仍先詣宿次在塗皆朝夕

奠如初日

皇太后以下與朝奠不與晡奠所過百里內守土官於
道右百步外跪迎

靈駕舉哀至宿次於幔城外行三跪九叩禮奠獻時各

於右翼班末隨行禮至

陵日守

陵貝勒公大臣官員咸於十里外舉哀跪迎自紅門設
法駕鹵簿前導

靈駕至

隆恩門外降大昇輦安奉

梓宮於

隆恩殿

皇帝祭酒三爵衆隨行禮舉哀是日遣官祭告各陵寢並祭

后土

皇陵山神翼日行遣奠禮陳饌筵二十五席羊七酒十有五尊楮帛九萬往送之王公百官及在

陵貝勒公大臣官員咸齊集儀如祖奠大葬前期行遷奠禮儀如遣奠至時恭理喪儀王大臣等率夫校進小輦奉移

梓宮於

寶城前蘆殿恭奉

梓宮登龍輜進饌筵

皇帝祭酒三爵衆隨行禮舉哀畢

駕還行宮衆皆退迺焚楮帛法駕騎駕鹵簿訖至日
皇帝詣

梓宮前祭酒屆吉時恭移龍輜自隧道入

地宮安奉寶牀設香

冊寶於左右几遂掩閉

元宮

皇帝於方城前舉哀祭酒行禮畢卒哭出至幄次易
吉服王公百官咸采服禮部堂官奏請

皇帝詣

隆恩殿行題

主禮鑒儀衛官豫設黃輿於殿外階下執事官設

神主寶座於殿內正中南嚮設題主案於東旁西嚮設

奉安

主櫝案於寶座旁南嚮設

皇帝拜位於殿門內正中北嚮贊引太常卿二人恭導

皇帝入殿左門就拜位立鴻臚寺官引王公於階上文五品以上武四品以上官於階下東西上北面序立大臣一人啟櫝奉

神主設於題主案大學士二人朝服詣案東行一跪三

叩禮興就位西嚮恭題

神主畢大臣奉

主安於

寶座三叩退迺行虞祭禮

皇帝就拜位王公百官各就拜位上香奠帛讀祝三

獻爵送燎均如儀禮成鑾儀衛堂官率校尉昇

黃輿設階上正中南嚮太常卿跪奏恭請

神位升祔

太廟

皇帝詣

寶座前行一跪三拜禮恭奉

神主大學士前引由殿中門出奉安黃輿內行一跪三
拜禮興校尉昇輿前列御仗黃蓋內大臣十人
大學士禮部堂官導引啟行

皇帝率王以下各官於大門外跪候過先詣塗次黃
幄祇俟恭理喪儀及執事諸臣隨行沿途朝夕

奠

皇帝親詣上香行三跪九拜禮

王公百官不隨行禮

還京升祔

太廟

詳升祔儀

○期年小祥讀文致祭張黃幄於

皇陵方城前陳俎豆列饌筵於祭臺左右

皇帝喪服詣黃幄內奠獻隨往之王公百官咸於

陵寢門外隨行禮舉哀與前祖奠同○再期大祥陳設

禮儀與期年同○二十七月行除服禮

皇帝喪服於

皇陵方城前行奠獻禮陳設禮儀與百日奠獻同祭畢
除服○三周行禮儀同再期

喪禮二

凡

列后大喪

聖子皇帝主喪儀初喪恭奉

梓宮奉安於

宮中正殿設几筵建丹旒於宮門外之右陳儀駕
於宮門外

皇帝成服截髮辮諸王之為子者皆成服截髮辮

皇后成服剪髮諸王福晉為子婦者皆成服剪髮

皇太后宮中女侍內監皆成服剪髮截髮辮既歛王以下及嫔戚於宮門外三品官以下於外門之外福晉以下及嫔戚婦女於丹墀右三品淑人以下於宮門外齊集舉哀奏疏文移十五日用藍印頒

遺誥於天下○內外各官百日不作樂不嫁娶軍民二十七日不作樂不嫁娶朝晡日中之奠進茶膳

以女官恭理喪儀王公大臣內務府總管率之內監轉進於

皇帝親奠○殷奠既徹饌女官奉冠服詣燎所福晉命婦內府婦女皆從

欽命公主福晉或嫔戚大臣夫人一人於燎所祭酒行禮○將葬隨行有女侍及內府婦女餘皆如列聖喪儀

凡

皇后大喪

皇帝主喪儀初喪

皇帝冠去緯輟朝

皇子去冠緯哭踊宮中自

妃嬪以下咸摘耳環去首飾屆時奉安

梓宮於

宮中正殿設几筵建丹旒於宮門外之右陳儀駕

於宮門之外

特簡王公大臣恭理喪儀既歛迺奠王公以下民公
侯伯二品官以上及嫺戚於宮門外三品官以
下文武有頂帶官於外門之外

妃嬪宮人公主

皇子

皇孫福晉近支王等福晉於

几筵殿內諸王公福晉夫人郡主縣君二品夫人及
嫺戚婦女於丹墀右三品淑人以下於宮外齊

集舉哀皆男摘冠緯女去首飾奠獻時隨行禮
舉哀畢各退

皇帝成服

皇子成服截髮辮居宮中別室

皇孫隨成服王公百官宗室覺羅及嫺戚咸成服

王公於府第齋宿大臣官員於各公署齋宿

皇子福晉成服剪髮

皇后宮中女侍內監咸成服剪髮截髮辮

妃嬪公主福晉命婦及嫔戚婦女內府三旗官員
護軍等妻咸成服

皇帝縞素十三日而除兩月後

御門聽政

郊

壇大祀祭服行禮

親臨

几筵前素服視奠恭遇

皇太后

皇帝親詣

几筵

皇太后乘輿由中門中道至檐下降輿

皇帝乘輿由中門中道至階上降輿

皇子喪服百日餘日素服詣

几筵前仍喪服

皇子禍晉亦如之

皇孫恭理喪儀王公大臣及

殯宮守衛執事各官及嫺戚百日除服羣臣二十七日除服皆百日薙髮十三日內各衙門文移用藍印奏本用硃印京朝官二十七日不作樂不嫁娶○頒

勅諭於天下順天府尹率屬制服跪迎宣讀畢奉安公署舉哀直省督撫率所屬文武各官跪迎宣讀奉安於會城公署分駐之提鎮道員及府州

縣各奉安於治所舉哀皆朝夕哭臨三日移文

各省督撫提鎮免其遣官進香直省官二十七

日不作樂不嫁娶皆百日薙髮

以初喪日為始

詔到

日為始軍民素服七日不作樂不嫁娶○外藩蒙

古王公台吉等公主福晉等服內來京者皆成

服除服後來京者男摘冠緯女去首飾各三日

朝鮮使臣同○成服後朝晡日中三設奠

朝晡奠進

羹飯肴饌午奠進饌筵一如事生儀

朝晡設儀駕每奠王公百官

咸齊集質明欽天監報時各執事皆辦執事官
告朝奠

皇子出苦次詣

几筵前西嚮舉哀迺啟門恭理喪儀王公大臣內務
府總管及內務府總管夫人內管領妻率尚膳
尚茶女官舉茶膳由中門中路進至

几筵前尚茶女官跪進茶內外齊集衆皆跪恭奠於
茶案行一叩禮衆隨行禮尚茶女官徹茶衆皆

興次尚膳女官進膳上食畢執事官進奠几於

正中

皇子詣几前跪執事官跪進爵

皇子三祭酒每祭行一叩禮衆皆隨行禮興迺徹

饌出闔門衆哀止

皇子還苦次衆皆退午奠晡奠儀同○諏日行殷

奠禮王公百官公主福晉命婦咸齊集陳饌筵

二十一席羊九酒十有一尊楮帛九萬設儀駕

陳冠服張黃幕於宮門外之右設反坫具尊壘
陳俎豆於

几筵前列饌筵於丹陛兩旁陳羊酒於黃幕積楮帛
於燎所設祭文案於東檐下禮部堂官奉祭文
侍郎二人前引由中門入祇設於案退

皇帝親臨上食畢讀祝官奉祭文至闕外正中跪
皇子衆皆跪哀暫止讀文畢執事進奠几

皇帝旁坐祭酒三爵每祭

皇子行一叩禮衆隨行禮舉哀畢徹饌讀祝官奉祭文禮部堂官引至燎所付內監退王公百官咸退次女官奉冠服內監十人前引恭送燎所皇子隨出王福晉命婦嫔戚內府婦女皆隨出

皇子福晉出詣燎所祭酒三爵舉哀衆隨行禮舉哀畢迺焚冠服楮帛各退○諏日而殯先期以奉移告

几筵行啓奠禮儀與殷奠同至日奉移

梓宮於

殯宮豫設大昇輦於

景運門外屆時

皇帝親臨祭酒三爵恭理喪儀王公大臣鑾儀衛工
部堂官率校尉進小輦奉

梓宮出宮由

乾清門右門出至

景運門外登大昇輦禮部尚書祭輦內大臣祭所

過門橋皆三祭酒每祭行一叩禮焚楮帛

皇子步送王公百官嫺戚各以次隨行

妃嬪等先詣

殯殿後左旁恭竢

靈駕至行奉安禮設几筵陳

冊寶於左右

皇子祭酒衆隨行禮舉哀畢焚楮帛丹旒各退○

行初祭禮設儀駕於

殯宮門外陳饌筵八十一席羊二十七酒四十一尊
楮製丹旒一楮帛四十萬五千張黃幕於二門
外之右設反坫尊壘如儀齊集上食讀文祭酒
送燎如前儀翼日繹祭陳饌筵十有一席羊五
酒五尊楮帛三萬不設儀駕不齊集不讀祝惟
恭理喪儀大臣內務府禮部工部光祿寺堂官
執事餘如儀○行大祭禮陳設禮儀與初祭同
翼日繹祭陳設禮儀與初祭次日繹祭同○周

月奠獻陳饌筵二十一席羊九酒九尊楮帛十

萬

皇子行禮儀與啓奠同

凡月奠儀皆同

○承

旨恭擬

諡號

勅工部製

冊寶諏吉行

冊諡禮前期遣官祇告

太廟後殿

奉先殿至日設儀駕於

殯宮大門外恭理喪儀王公大臣內務府總管率內

府太常官進

冊寶案視內監設於

几筵前兩旁內府官設

御座於

太和門正中鴻臚寺官設

冊寶案於

御座之南左右鑾儀衛官設黃亭於階下正副使素服於階下西嚮立禮部官豫奉絹

冊寶陳亭內內閣官奉香

冊寶升階陳於案三叩退禮部堂官奏請

皇帝素服御太和門陞座正副使由東階升詣

冊寶案前一跪三叩興正使奉

冊副使奉

寶由中階降陳於各黃亭跪叩如前禮成

皇帝還宮校尉舁亭御仗黃蓋前導王以下入八分
公以上齊集

協和門外

冊寶亭至跪候過隨行民公侯伯以下四品官以上
咸於

殯宮大門外按翼序立

冊寶亭至跪迎亭由大門入至內門止禮部堂官奉

絹

冊寶入授內官先陳於案退正副使詣亭前三叩恭奉香

冊寶由中門入陳於案三叩興鳴贊贊上香正使上香復原位立贊宣

冊內官奉授宣

冊官於檻外宣訖仍授內官復於案宣

寶儀同正使奉

冊副使奉

寶授內官陳於

几筵左右行一跪三叩禮興由殿西門出太常贊引
官引正使於

殿外階上拜位立鴻臚官引

皇子王以下入八分公以上於二門內四品官以

上於大門外按翼序立上香奠帛讀祝三獻爵

如儀奠獻均用內官祝文內官奉至門外禮畢
讀祝官跪受讀畢仍授內官安設

內官奉絹

冊寶祝帛授各執事官恭送燎所燎訖衆皆退禮成
正副使復

命翼日頒

詔天下○百日奠獻陳饌筵二十五席羊九酒十有
三尊楮帛十有一萬五千儀同初祭○既卜葬
吉奉移前三日遣官祇告

天

地

太廟

社稷奉移前期一日行祖奠禮陳饌筵三十一席羊
九酒十有五尊楮帛十有五萬儀與啓奠同至
日陳大昇輦於

殯宮大門外設

冊寶亭於階下王公百官公主福晉一品夫人及內
府婦女咸齊集

皇帝親詣

梓宮前祭酒三爵不往送祭酒時

皇子行禮衆隨行禮畢奉移

梓宮登大昇輦禮部堂官祭輦三祭酒行三叩禮畢

焚楮帛

靈駕發

冊寶亭及儀駕咸前列沿塗分站豫設

蘆殿繚以黃幔城

皇子王公百官內監女侍內府婦女六十人皆以
次隨行恭理喪儀王公大臣內務府禮工二部
鑾儀衛官左右翼衛所經門橋遣內大臣祭酒
焚楮帛

妃嬪以下由別道先往宿次祇竢

靈駕將至宿次王公百官先至幔城北門外舉哀跪
迎

靈駕安奉於蘆殿衆至大門外序立陳設儀駕迺行

晡奠如儀奠畢各退翼日昧爽行朝奠如儀

皇子跪送仍隨行在塗皆朝夕奠如初日

妃嬪以下與朝奠不與晡奠所過五十里內守土
官於道右百步外跪迎

靈駕舉哀至宿次於幔城外行三跪九叩禮奠獻時
各於右翼班末隨行禮至

陵寢日守

陵寢貝勒公大臣官員咸於十里外舉哀跪迎

靈駕至

饗殿大門降大昇輦安奉

梓宮於

饗殿

皇子祭酒三爵衆隨行禮舉哀是日遣官祭告各
陵寢並祭

后土

皇陵山神翼日行遣奠禮陳饌筵二十五席羊七酒十

有五尊楮帛九萬往送之王公百官及在

陵貝勒公大臣官員咸齊集儀如祖奠先葬一日行遷
奠禮儀如遣奠至時恭理喪儀王公大臣等率
夫校進小輦恭奉

梓宮於

寶城前蘆殿登龍輜進饌筵

皇子三祭酒畢衆退迺焚楮帛儀駕訖至日

皇子詣

梓宮前祭酒屆吉時恭移龍輅自隧道入

地宮安奉寶牀設香

冊寶於左右几遂掩閉

元宮

皇子於祭臺前祭酒舉哀行禮畢迺卒哭各退行

題

主禮鑾儀衛官豫設黃輿於階下執事官設

神主寶座於殿內正中南嚮設題主案於東旁西嚮

設奉安

主櫝案於寶座旁南嚮至時贊引官引遣官就拜位
鴻臚寺官引王公百官各就位大臣一人啟櫝
奉

神主設於題主案大學士二人朝服詣案東行一跪
三叩禮興就位西嚮恭題

神主畢大臣奉

主安於

寶座三叩退迺行虞祭禮上香奠帛讀祝三獻爵送燎均如儀禮成鑾儀衛堂官率校尉舁黃輿於階上遣官詣

寶座前行一跪三叩禮恭奉

神主由殿中門出奉安黃輿校尉舁輿前列御仗黃蓋內大臣十人禮部堂官導引啟行王以下各

官隨行沿途仍朝夕奠竢還京時升祔

詳升祔儀

○

如距大葬之期尚遠迺於神主卜吉於

殯殿

殯宮東廡製欽命大學士二

人行題主禮是日陳儀駕於大門外陳鳳輿於階下奉主大臣恭奉神主至

筵前設左案大學士上香行禮畢恭題主鑒儀衛昇鳳輿陞至階正中奉主大臣

恭奉

神主出大學士前導奉安鳳輿內前

引大臣十人前導校尉昇輿由中門出儀駕前

導至

東華門止黃蓋御

仗前導至誠肅門止○期年小祥讀文致

祭陳設禮儀與前初奠同○再期大祥陳設禮

儀與期年同○二十七月行除服禮

皇子喪服行奠獻禮王公百官隨行禮陳設禮儀

與百日禮同祭畢

皇子皇子福晉除服○三周行禮儀同再期

欽定大清會典卷五十一

欽定四庫全書薈要卷八千二百八十一

史部

欽定大清會典卷五十二

禮部

祠祭清吏司

喪禮三

凡

皇貴妃喪禮疾革自

大內移至吉安所初薨

皇帝輟朝五日素服十日

若殯期逾十日及殯而止

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳儀仗於大門外

簡命王公大臣辦理喪儀既歛迺奠王以下四品官以上公主福晉以下一品夫人以上咸齊集男

摘冠緯女去首飾○所出

皇子皇子福晉成服截髮辮剪髮

皇孫皇孫婦嬭戚隨成服至大祭日而除百日薙髮奏除諸

皇子及近支王公等並內務府總管一人散秩大臣三人侍衛九十人內府三旗佐領下官員及其妻以三分之一成服至大祭日而除薙髮本內管領下官員及執事男婦

皇子侍從成服至大祭日除服皆隨

皇子百日薙髮○朝晡日中三設奠朝晡設儀仗

王公官員公主福晉命婦咸齊集行禮舉哀如

儀

奠茶時惟

皇子

殿內

○誦日而殯前期

內監等隨行禮後皆同

行啟奠禮儀仗全設陳饌筵七席羊五酒五尊

楮帛萬有五千王公官員公主福晉命婦咸齊

集

皇子祭酒衆隨行禮舉哀畢各退至日豫設大輦

於大門外屆時

皇子祭酒三爵辦理喪儀王大臣鑒儀衛工部堂
官率昇夫進小輦奉

金棺出昇大輦禮部堂官祭輦內大臣祭所經門
橋皆三祭酒焚楮帛

皇子步送王公各官嫺戚以次隨行齊集之公主
福晉命婦先往以俟

金棺至奉安畢設几筵

皇子祭酒衆隨行禮舉哀畢焚楮帛丹旒各退

行初祭禮王公官員公主福晉命婦咸齊集設儀仗於

殯宮大門外陳饌筵三十五席羊二十一酒二十
一尊楮製丹旒一楮帛十有八萬九千張黃幕
於二門外之右設反坫具尊壘設儀仗陳冠服
遣官讀文致祭

皇子及衆隨行禮舉哀徹饌奉祭文冠服送燎所

皇子福晉祭酒行禮衆隨行禮舉哀畢迺焚冠服

楮帛各退翼日繹祭陳饌筵七席羊三酒三尊

楮帛萬有五千不設儀仗不齊集辦理喪儀大

臣內務府禮工二部光祿寺堂官執事內務府

總管夫人內管領妻祭酒行禮如儀○行大祭

禮儀與初祭同翼日繹祭儀與初祭次日繹祭

同○周月奠獻設儀仗陳饌筵十有一席羊五

酒五尊楮帛二萬一千衆齊集

不讀文

皇子祭酒儀同大祭

二周月三周月儀同

○內閣擬謚號候

欽定工部造絹

冊寶諏日行

冊謚禮設采亭於

午門外正副使二人詣內閣於

冊寶前行一跪三叩禮恭奉由

午門中門出安設於采亭一跪三叩校尉昇亭前

列黃蓋御仗至

殯宮大門外亭止正副使於亭前跪三叩正使奉冊副使奉

寶興由中門入陳於案三上香畢宣讀官以次宣冊文寶文畢各退迺行讀文致祭禮正使祭酒儀如月奠○百日讀文致祭陳饌筵十有五席羊七酒七尊楮帛五萬儀與月奠同○既卜葬吉先期行祖奠禮陳饌筵十有五席羊七酒七尊楮帛三萬七千儀與啟奠同奏遣

皇子及王公大臣官員往送沿途分站豫設

蘆殿繚以席垣

皇子王公各宮內監女侍內府婦女三十人皆以
次隨行至宿次設晡奠翼日昧爽朝奠

皇子祭酒行禮如儀至

園寢日在

陵貝勒公大臣及不值班之官員咸於十里外道右跪
迎舉哀候過隨行奉安

金棺於

蘆殿翼日行遣奠禮設儀仗送往之王公大臣官員及在

陵貝勒公大臣官員暨貝勒公夫人大臣官員妻咸齊
集陳設禮儀一如祖奠及葬先期行遷奠禮陳
饌筵十有三席羊五酒五尊楮帛三萬儀與遣
奠同屆時奉移

金棺於墓前蘆殿升太平車奠獻行禮畢各退焚

楮帛儀仗至日奉

金棺由隧道入墓壙掩閉墓門

皇子於月臺前祭酒舉哀行三叩禮衆皆隨行禮
畢卒哭是日

皇子暨送往之王公大臣官員皆還京○行題主
禮豫期近

園寢之外設

蘆殿製造

神牌工竣設於案內閣大學士禮部堂官朝服行
一跪三叩禮刻字將近大祭以前卜吉填青各
行禮如初畢迺安奉於

蘆殿日點香燭逢大祭日奉入

饗殿依次奉安於座禮成奉安寢室○期年小祥
致祭行禮如儀○再期大祥如期年儀○三周
行禮儀同再期

凡

貴妃喪禮疾革自

大內移至吉安所初薨

皇帝輟朝五日

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳儀

仗於大門外

簡命王公大臣辦理喪儀既歛迺奠王以下三品官
以上公主福晉以下一品夫人以上咸齊集男
摘冠緯女去首飾○所出

皇子皇子福晉成服截髮辮剪髮

皇孫皇孫婦嬭戚隨成服至大祭日而除百日薙
髮奏除近支王公等及內務府總管一人散秩
大臣三人侍衛六十人內府三旗佐領下官員
及其妻以三分之一成服大祭日除服薙髮本

屬二內管領下官員執事男婦

皇子侍從皆成服大祭日除服皆隨

皇子百日薙髮○朝晡日中三設奠設儀仗

凡三日

內府成服官員及護軍領催等男婦咸齊集

至除

服日行禮舉哀如儀○諏日而殯至日豫設大

輦於大門外屆時

皇子祭酒三爵辦理喪儀王大臣鑾儀衛工部堂

官率昇夫進小輦奉

金棺出昇大輦禮部堂官祭輦禮部官祭所經門
橋皆三祭酒焚楮帛

皇子步送王公各官嫺戚以次隨行齊集之公主
福晉命婦先往以俟

金棺至奉安畢設几筵

皇子祭酒衆隨行禮舉哀畢焚楮帛丹旒各退○
行初祭禮儀仗全設陳饌筵三十一席羊十有
九酒十有九尊楮製丹旒一楮帛十有四萬九

千張金黃幕於二門外之右設反坫具尊壘王

公官員公主福晉命婦咸齊集遣官讀文致祭

皇子及衆隨行禮舉哀如儀翼日繹祭陳饌筵五

席羊三酒三尊楮帛萬不設儀仗不齊集內務

府禮工二部光祿寺堂司官執事內管領妻祭

酒行禮如儀○行大祭禮儀與初祭同翼日繹

祭儀與初祭次日繹祭同○周月奠獻設儀仗

陳饌筵十有一席羊五酒五尊楮帛二萬衆齊

集行禮儀與大祭同

二周月三周月儀同

○行

冊諡禮與

皇貴妃同○百日奠獻陳設禮儀皆與月奠同○

既卜葬吉先期行祖奠禮設儀仗陳饌筵十有

三席羊五酒五尊楮帛三萬衆齊集奠獻行禮

如儀奏遣近支王公大臣官員往送沿途奉安

蘆殿宿次設晡奠翼日朝奠

皇子祭酒行禮如儀至

園寢日在

陵貝勒公大臣及不直班之官員咸於十里外道右跪
迎舉哀候過隨行奉安

金棺於

蘆殿翼日行遣奠禮送往之王公大臣官員及在
陵貝勒公大臣官員暨貝勒公夫人大臣官員妻咸齊
集陳設禮儀均如祖奠及葬先期行遷奠禮儀
與遣奠同至日奉

金棺由隧道入墓壙掩閉墓門

皇子於月臺前祭酒舉哀行三叩禮衆皆隨行禮
畢卒哭是日

皇子暨送往之王公大臣官員皆還京○行題主
禮豫期近

園寢之外設

蘆殿製造

神牌工竣設於案內閣大學士禮部堂官朝服行

一跪三叩禮刻字將近大祭以前卜吉填青各行禮如初畢迺安奉於

蘆殿日點香燭逢大祭日奉入

饗殿依次奉安於座禮成奉安寢室○期年小祥致祭行禮如常儀○再期大祥如期年儀○三周行禮儀同再期

凡

妃喪禮疾革自

大內移至吉安所初薨

皇帝輟朝三日

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳采
仗於大門外

簡命王公大臣辦理喪儀既歛迺奠王以下三品官

以上公主福晉以下一品夫人以上齊集男摘冠緯女去首飾○所出

皇子皇子福晉成服截髮辮剪髮

皇孫皇孫婦嫺戚隨成服至大祭日而除百日薙髮奏除近支王公等及內務府總管一人散秩大臣三人侍衛六十人成服至大祭日除服薙髮所屬內管領一人並內管領下官員男婦皇子侍從皆成服至大祭日除服皆隨

皇子百日薙髮○朝晡日中三設奠設采仗

凡三日

內務府成服官員及護軍領催等各男婦齊集

至奉移日止

行禮舉哀如儀○諏日而殯至日豫設

大輦於大門外屆時

皇子祭酒三爵辦理喪儀王大臣鑾儀衛工部堂
官率昇夫進小輦奉

金棺出昇大輦內務府堂官祭輦禮部官祭所經
門橋皆三祭酒焚楮帛

皇子步送王公百官嫺戚以次隨行齊集之公主
福晉命婦先詣

殯宮以俟

金棺至奉安畢設几筵

皇子祭酒衆隨行禮舉哀畢焚楮帛丹旒各退○

行初祭禮采仗全設陳饌筵三十一席羊十有
九酒十有九尊楮製丹旒一楮帛十有四萬九
千張金黃幕於二門外之右陳反坫具尊壘王

公官員福晉命婦咸齊集遣官讀文致祭

皇子及衆隨行禮舉哀如儀翼日繹祭陳饌筵五
席羊三酒三尊楮帛萬不設采仗不齊集內務
府禮工二部光祿寺堂司官執事內管領妻祭
酒行禮如儀○行大祭禮儀與初祭同翼日繹
祭儀與初祭次日繹祭同○周月致祭陳饌筵
十有一席羊五酒五尊楮帛二萬衆齊集行禮

儀與大祭同

二周月三周月儀同

○百日致祭陳設禮儀

皆與月奠同○既卜葬吉先期行祖奠禮陳饌筵十有三席羊五酒五尊楮帛三萬衆齊集奠獻行禮如儀奏遣近支王公大臣官員往送沿途奉安

蘆殿宿次設晡奠翼日朝奠皇子祭酒行禮如儀至

園寢日在

陵貝勒公大臣及不直班之官員咸於十里外道右立

迎舉哀候過隨行奉安

金棺於

蘆殿翼日行遣奠禮送往之王公大臣官員及在
陵貝勒公大臣官員暨貝勒公夫人大臣官員妻咸齊
集陳設禮儀均如祖奠及葬先期行遷奠禮儀
與遣奠同至日奉

金棺入墓壙掩閉墓門

皇子於月臺前祭酒舉哀行三叩禮衆皆隨行禮

畢卒哭是日

皇子暨送往之王公大臣官員皆還京○行題主

禮豫期近

園寢之外設

蘆殿製造

神牌工竣設於案內閣大學士禮部堂官朝服行
一跪三叩禮刻字將近大祭以前卜吉填青各
行禮如初畢迺奉安於

蘆殿日點香燭逢大祭日奉入

饗殿依次奉安於座禮成奉安寢室○期年小祥
致祭行禮如常儀

凡

嬪喪禮疾革自

大內移至吉祥房初薨

皇帝輟朝二日

命所出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建丹旒於二門外之右陳采
仗於大門外既歛迺奠王以下一品官以上公
主福晉以下一品夫人以上咸齊集男摘冠緯
女去首飾○所出

皇子皇子福晉成服截髮辮剪髮

皇孫皇孫婦姐戚隨成服至大祭日而除百日薙

髮奏除王公內務府總管成服

無出者不奏除

至大祭

日除服薙髮執事內管領一人及內管領下男婦之半成服隨

皇子除服薙髮○朝晡日中三設奠陳采仗

凡三日

內務府成服官員及護軍領催各執事人男婦分班齊集行禮舉哀如儀○諏日而殯至日豫設大輦於大門外屆時

皇子祭酒三爵工部堂官率昇夫進小輦奉

金棺出昇大輦內務府堂官祭輦禮部官祭所經
門橋皆三祭酒焚楮帛王公各官嫺戚以次隨
行步送齊集之公主福晉命婦先詣

殯宮以俟

金棺至奉安畢設几筵祭酒三爵衆隨行禮舉哀
畢焚楮帛丹旒各退○行初祭禮設采仗陳饌
筵二十一席羊十有一酒七尊楮製丹旒一楮
帛十萬五千張金黃幕陳反坫如儀衆齊集

皇子祭酒衆隨行禮舉哀畢各退翼日繹祭陳饌
筵三席羊三酒三尊楮帛六千不設采仗不齊
集內務府禮工二部堂司官執事內管領妻祭
酒行禮如儀○行大祭禮儀與初祭同翼日繹
祭儀與初祭次日繹祭同○周月奠獻陳饌筵
七席羊三酒三尊楮帛萬有四千儀與大祭同
二周月三
周月儀同 ○百日奠獻陳設禮儀均與月奠同
既卜葬吉先期行祖奠禮陳饌筵九席羊三

酒三尊楮帛二萬內府成服官員男婦咸齊集
祭酒行禮如儀奏遣近支王公大臣官員往送
沿塗安奉

蘆殿宿次設晡奠翼日朝奠

皇子祭酒行禮如儀至

園寢日在

陵貝勒公大臣及不直班之官員咸於十里外道右立
迎舉哀候過隨行奉安

金棺於

蘆殿翼日行遣奠禮送往之王公大臣官員及在
陵貝勒公大臣官員暨貝勒公夫人大臣官員妻咸齊
集陳設禮儀均如祖奠及葬先期行遷奠禮儀
與遣奠同至日奉

金棺入墓壙掩閉墓門

皇子於月臺前祭酒舉哀行三叩禮衆隨行禮畢
卒哭是日

皇子暨送往之王公大臣官員皆還京○期年小
祥致祭行禮如常儀

凡

貴人喪禮疾革自

大內移入吉祥房初薨

命所生皇子公主持服

皇子去冠緯公主

皇子福晉去簪珥屆時入金棺設几筵建丹旒於

二門外之右既歛迺奠貝勒以下一品官以上
貝勒夫人以下一品夫人以上咸齊集不摘冠
緯不去首飾○所出

皇子皇子福晉成服截髮辮剪髮

皇孫皇孫婦嫺戚隨成服至大祭日而除百日薙
髮執事內管領一人及執事內管領下男婦之
半成服隨

皇子除服薙髮○朝晡設奠內務府成服官員及

護軍領催執事人男婦分班齊集行禮舉哀如儀○諏日而殯至日豫設大輦於大門外屆時皇子祭酒三爵工部堂司官率昇夫進小輦奉

金棺出昇大輦禮部官祭輦並祭所經門橋皆三祭酒焚楮帛貝勒各官以次隨行步送齊集之夫人命婦先詣

殯宮以俟

金棺至奉安畢設几筵祭酒三爵衆隨行禮舉哀

畢焚楮帛丹旒各退○行初祭禮陳饌筵十有五席羊九酒七尊楮製丹旒一楮帛六萬三千衆齊集張紅幕於二門外

皇子祭酒衆隨行禮舉哀畢各退翼日繹祭陳饌筵三席羊三酒三尊楮帛五千不齊集內務府堂司官執事內管領妻祭酒行禮如儀○行大祭禮儀與初祭同翼日繹祭儀與初祭次日繹祭同○周月奠獻陳饌筵七席羊三酒三尊楮

帛萬有四千儀與大祭同

二周月三周月儀同

○百日奠

獻陳設禮儀均與月奠同○既卜葬吉行祖奠

禮陳饌筵七席羊三酒三尊楮帛萬有四千內

府官及執事內管領下男婦齊集行禮如儀奏

遣大臣官員送往至

園寢之次日行遣奠禮送往之大臣官員及在

陵大臣官員暨命婦等咸齊集陳設禮儀均如祖奠及

葬先一日行遷奠禮儀與遣奠同至日奉

金棺入墓壙閉墓門

皇子於月臺前祭酒舉哀行三叩禮衆隨行禮畢
卒哭是日

皇子暨送往之大臣官員皆還京○期年小祥致
祭行禮如常儀

凡

皇祖

皇考妃嬪薨各按封號以治喪追封者視所追封之號

治喪皆如儀

欽定大清會典卷五十二



總校官候補中書臣吳紹潔

校對官檢討臣王鍾健

謄錄監生臣張賦京

財團
法人
佛陀教育基金會
釋淨空
敬贈